

127 66  
Illustre SEMPER AUGUSTI Speculum!  
MEMORIAL,

5723  
—9  
**Was bey der Römischen**

Kaiserlichen Mayestat / Allezeit Mehrern des  
Reichs etc. Des Durchlächtigsten Hochgebornen Fürsten  
vnd Herrn / Herrn Johans Georgen / Herzogen zu Sachsen/  
Gülich / Cleve / vnd Berg / des Heiligen Römischen Reichs Erzmars-  
schallen / vnd Churfürsten etc. Burggraffen zu Magdeburg etc. Johans  
sehenliche Abgesandten / Graff Phillips Ernst zu Mansfeld / Hauptman  
zu Leipzig vnd Eulenburg / Nicol Gebhard von Miltitz / Herr Gabriel  
Lünzel / beyder Rechten Doctor, vnd Johan von Blansdorff / geheimb-  
te vnd Hoff Räte zu Dresden / am 13. Maij, dieses lauffenden 1630.

Jahrs zu Wien allervnderthänigst für vnd anzubringen  
Instruirt, vnd befehlichet gewesen.

So dann / was darauff von Allerhöchster  
wehnter Römischen Kaiserlichen Mayestat am 26.  
gedachtes Monats Maij, für Resolution vnd  
Antwort erfolget.

Omnia probate, & quod bonum est, retinete.



**Gedruckt**

Im Jahr nach Christi Jesu vnser allein Seligmachers/  
vnd Hellands Geburt 1630. Davor Einhundert Jahren / Gott sey  
ewig lob / Ehr / vnd Preis / die Evangelische Confession zu Augspurg / vñm gros-  
sen Reichs Tage mit sonderbahren Geistlichen Helden Muth vbergeben / öffentlich  
abgelesen / zu männiglichs Wissenschaft in viel Sprachen vbersetzt / ver-  
schickt / vnd dessen Geschichts Gedächtniß dis Jahr hoch-  
feyerlich gehalten worden.



Illust. Germ. C.

545, 8

*Antonius Fachinæus Jure-Consultus Catholicus,*  
*Consil. lib. 1. Consil. 2. ex Decio in Consil.*  
*689. no. 16. & 17.*

**I**N Principe tanquam in fonte Justitiæ debet esse con-  
stans voluntas, & quod in Principes convenit illud  
verbum: Semel locutus est DEVS, quod scripsi, scripsi:  
& quod Princeps debet habere unum calamum, & u-  
nam linguam, & non plures, quia scriptum est, quæ  
præceserunt de labijs meis, non faciam irrita; Ideo de-  
bet esse immobilis sicut Lapis Angularis & sicut Polus  
in Cælô.

*Cicero Ethnicus, de Offic. lib. 1.*

Fundamentum justitiæ est Fides, id est, dictorum  
conventorumq; constantia, & veritas.


*Idem lib. 3.*

Fregistine Eidem? neque dedi, neque do Infideli  
•niquam

Der alte Sachse spricht:

Getreuer Herr / getreuer Knecht /  
Wo nichts; wirds umbgekehret recht.

Folget



Aus der  
Schloßbibliothek zu Oels  
1885

Handwritten text on a yellowed paper fragment, likely a library label or receipt. The text is mirrored and includes the year 1883.

1883

Handwritten text, possibly a name or title, mirrored across the page.

1883



Es müſten aber Ihre Churfürſtl. Durchl. nicht alleine ſelbſt den ganz erbärmlichen/ elenden zerrütteten/ hochbeträngten vnd gefährlichen Zuſtandt/ darinnen ſich das heilige Römische Reich Teutſcher Nation, leider befinde/ mit höchſtbetrübten Gemüthe hochbetauerlich anſehen/ ſondern würden auch beydes von dem Herrn Churfürſten zu Brandenburg/ vnd den andern vornehmen Fürſten/ Ständen vnd Gliedern deſſ Reichs/ derohalben reſpective mit vielen vnd vnauffhörlichen ſuchen/ querelen vnd lamentationen angelanget/ vnd hiebey ihres tragenden Churfürſtlichen Ampts/ FundamentalBeſäzen/ Reichs Constitutionen vnd andern heilsamen Achtungen/ wie dann auch von dem Oberſächſiſchen KrenßStänden/ ihres KrenßObriſten Ampts ganz beweglichen erinnert/ das Ihre Churfürſtl. Durchleucht. dieſem nach/ wie nicht weniger wegen der ſchweren Pflicht/ damit E. Kayſ. Mayſt. vnd dem heiligen Römischen Reich/ ſie obligirt, In gleichen ihres Chriſtlichen Gewiſſens/ ſo wol der hohen aller vnterthänigſten Liebe vnd Treue halben/ welche legen E. Kayſerl. Mayſt. wie auch dero ganzes höchſtgeehrtes Erzherzoglich Hauß Deſterreich ſie jederzeit getragen/ vnd noch ganz vngeserbt trügen/ auch treulich mit darſetzung ihres eigenen Leibes/ Guts vnd Bluts/ Land vnd Leuten/ Noth vnd Würden/ vnd zwar zu der Zeit/ do alles vor Menſchlichen Augen in höchſter vnd eußerſter Gefahr vnd zweiffelhaffigen Außgang geſtanden/ Rettung nöthig geweſen/ vnd vngeserbte Treue vnd Liebe recht erkennen werden können/ ſtandhafft vnd vnderändert erwieſen/ vnd dieweil auch ihr obliegendes Ambt vor E. Kay. May. vnd deſſ heiligen Reichs Heil/ Ruh/ Ehre/ Reputation vnd Wolfahrt treulich zu ſorgen/ den lieben Frieden/ als ein edles herliches Kleinod/ vnd vornehmſtes Stück glücklicher Regierung zu halten/ vnd dem ganzen Chriſtlichen Volcke tröſtlich zu ſein/ ſie verbinden vnd anweiſen thete/ nicht vmbhin gekont/ an E. Kayſerl. Mayſt. dieſe aller vnterthänigſte gehorſambſte Abſendung zu thun/ mit vnterthänigſter Vt/ E. Kayſerl. Mayeſt. wolten ihrer in aller Welt hochberühmten Kayſerlichen Clemens/ Milde vnd Gütigkeit nach/ nicht allein ſolches in Kayſerlichen Gnaden vermercken/ ſondern auch als auch ein gerechtere gütigſter vnd

ſter vnd hochlöblichſter Kayſer/den plagenden vnerhörten Drangſalen/  
 Beſchwerden vnd Elend vnverlengſt allergnädigſt gänzlich abhelffen/  
 vnd das nothleidende agonirrende Römische Reich mit den lieblichen  
 von ſo vngleich viel tauſend bedrängten vnd beängſtigten Menſchen/  
 höchſt deſiderirten allgemeinen durchgehenden/ beſtändigen/ Erba-  
 ren/ vffrichtigen UniversalFrieden erquickten/ vnd dann durch von der  
 endlichen total Ruin erretten/ dann es were E. Kayſ. May. ſelbſten als  
 lergnädigſt beſandt/ was wegen der im heiligen Reich entſtandenen vnd  
 ſo viel lange Jahr hero continuirten KriegsEmpörung vnd Vnrube  
 vor Elend Jammer/ Noth/ Angst/ Dedit vnd verwüſtung demſelben zu  
 gewachſen/ wie ſolche KriegsFlam nicht nur ein Königreich/ Land vnd  
 Orth ergriffen/ ſondern ſich durch das ganze Reich außgebreitet/ vnd  
 ein Provinz/ ja einen Kreis nach dem andern verzehret vnd verderbet/  
 vnd dermaſſen vberhand genommen/ das faſt alles eingeäſchert/ vnd lei-  
 der fort vnd fort in den wenigen Vberreſte noch liechter lohe brennen  
 thete/ das zubefahren/ do nicht eilende Rettung geſchehe/ es vollends  
 alles zu vnwiederbringlichen Schaden/ deß heiligen Reichs vnd vnauß-  
 löſchlichen Spott/ der ſonſten in aller Welt gepreſſeten Teuſcher Na-  
 tion/ zu grunde gerichtet werden möchte/ Ihre Churfürſt. Durchl. hee-  
 ten zwar in der ganz gewiſſen vnd vnzweifelhaſſten Hoffnung geſtan-  
 den/ es würde nach denen von Gott dem Allmächtigen E. Kayſ. May.  
 ſo herrlichen vnd glorioſiſchen verliehenen Victorien, vnd weil die zu  
 der Vnrube geneigten Gemüther gedämpfft/ auch das Vnwesen in  
 Nedersächſiſchen Kränze geſtillet/ vnd mit der Königlichen Würt. in  
 Dennemarck ein völliger Friede auffgerichtet/ dem Jammer in etwas  
 geſteuret/ die getrewen Stände nach vielfältigen vnerhörten außgeſtan-  
 denen Elende vnd Trübſeligkeit wiederumb getröſtet/ der ſehlige Friede  
 reduciret, vnd die Reichs Conſtituciones zu ihren Kräfteſten vnd Wir-  
 ckungen gebracht worden ſein/ Bevorab weil ſolches E. Kayſ. May.  
 das Churfürſt. höchſt anſehenliche Collegium von Wütelhauſen auß  
 Anno 1627. neben außführlicher remonſtrirung/ wie es allerſeits in  
 Imperio herglinge/ vnd in was vblen Zuſtande ſich daſſelbe befinde vns  
 terthänigſt erinnert vnd geſuchet/ Ihre Churfürſt. Durchl. auch vor  
 A. iij. ſich

sich selbst zu mehrerm malen E. Kays. May. so wol theils ihren Herren  
 MitChurfürsten/ die euserst Noth vnd höchste Gefahr/ so daher zubes  
 sorgen/ ganz treulich vnd beweglich mit lenglicher Ausführung respe  
 ctive aller vnterthänigst vnd freundlich zuerkennen gegeben/ vnd abhelfs  
 fung fleißig gebeten/ vnd angehalten/ vnd dann/ das auch E. Kay. May.  
 aller gerechtsambstes/ friedliebendes Herz vnd Gemüth/ sie dahin Kays  
 ferlich inclinirt wüßten/ so müßten sie doch höchstbetrübtlich ersehen/  
 ja selbst theils erfahren/ das die Noth/ Elend vnd Pressuren/ vielmehr  
 von Tage zu Tage gewachsen/ vnd fast nie ärger vnd gefährlicher als  
 hro gestanden/ In was Zustand sich das Churfürstenthumb Branden  
 burg befinde/ das geben des Herrn Churfürsten zu Brandenburg Chur  
 fürst. Durchl. Clagen/ es wehre solches annoch mit vielen Volck belegt/  
 mit schwehret Contribution, gestalt dann dero Stadt Franckfurde  
 an der Oder Monatlich 9000. Reichsthaler noch erlegen solte/ betrücte  
 würden mit vielen Durchzügen vnd andern Pressuren beschwehret/ vnd  
 dermassen verderbet vnd zugerichtet/ das es einem Churfürstenthumb  
 fast nicht mehr ähnlich sein solte/ welches gleichwol/ das wieder einen  
 treuen vnd gehorsamen Churfürsten des Reichs also verfahren würde/  
 e n ganz weit es außsehen hette/ wie es S. Churfürstl. Durchl. geliebten  
 B.atern/ den Herzogen zu Sachsen/ Altenburg/ Weymar/ Coburg/  
 vnd Eysenach ergienge/ das were leyder für Augen/ vnd geben es die be  
 trübten Quorelen, alda würde alles verödet/ vnd die Lande also außges  
 jogen/ das auch ihre Fürstl. G. G. G. G. sich fast nicht mehr bey dero  
 Taffel zu erhalten hetten/ ja die Insolentz der Soldatesca, nehme auch  
 so weit vberhand/ das man die Quartier nach Willen veränderte/ vnd  
 weil bey dem Armuth nichts mehr zu finden/ sehe man denn Herrschafft  
 ten selbst zu/ mit andeutung/ das Ruin vnd Plünderung erfolgen möch  
 te/ ja man greiffe dieselben noch darzu mit schweren Beschuldigung an/  
 wie vnlängst des Herzogs zu Altenburg Fürstl. Gn. begegnet. So  
 lege auch des Herzogs zu Weymar Fürstl. Gn. die Schönbergische  
 Compagnia, von der Herren Catholischen Volcke diese Stunde/ vnd  
 als in das dritte Jahr/ unverwandtes Fußes/ mit eussersten Vorderb/  
 noch vff dem Halse/ vnd würde Ihre Fürstl. Gn. noch mehrers Kays  
 ferlich

ferlich



serliches Volck/ wann gleich dieses auffbreche/ weiter ein zunehmen gesonnen/ Gestalt an jess mit des Christen Holck new gewordenen Compagnien geschehen wolte/ vngeacht die höchste betrübte Unmöglichkeit und Impossibilitet offenbar/ vnd der Jammer vnd das Elend/ vnter den armen Leuten/ mit Worten nicht gnugsamb außzusprechen.

In was höchstkläglichen vnd erbärmlichen Zustande der Augspurgischen vnveränderten Confession, zugethane Fürsten vnd Stände/ des löblichen Fränckischen vnd Schwäbischen Kreyses/ sonderlich aber des Herren Marggraff Christians zu Brandenburg/ des Herzogs zu Würtemberg/ vnd Marggraffens zu Baden/ Fürstl. G. G. G. neben ihren angehörigen getrewen Landen vnd Vnterthanen/ durch die vielfältige für vnd für/ ohne Maß/ Zahl vnd Ziel/ Continuirte vnerträgliche KriegsPressuren/ auch abgenötigte starcke vnerschwingliche Geldexactionen Contribution vnd in andere mehr Wege vorlebete/ grundvorderbliche/ grausame/ vnd erschreckliche/ niemahln erhörte Franckalen/ Beschwernüssen/ Bedingstigung vnd Dienstbarkeit gerathen/ vnd annoch elendiglich bedrückt/ daß erschiene auß ihren vnderschiedlichen/ bey E. Kayserl. May. aller vnterthänigsten/ so wol in Schrifften/ als durch Gesandten/ eingebrachten Elagen/ vnd were S. Churfürstl. Durchl. ein solches von ihren Fürstl. G. G. G. kurz vor dieser Legation, durch sonderbahre Gesandten ganz beweglich vnd wehenmäßig zuerkennen geben worden. In dem Herzogthumb Braunschweig seufftzeten beydes Herr vnd Vnderthanen/ vnd ergienge Ihrer Fürstl. Gn. bey dero ansehenlichen Landen/ so elend/ das sie fast nicht wüßten/ wo sie dero außkommen zunehmen.

Das Herzogthumb Lüneburg klagte auch nicht wenig/ vnd hette Ihrer Fürstl. Gn. Lande des Vorderben mehr als gut betroffen. Was vor ein Jammer in Herzogthumb Pommern/ das were leider mehr zu beklagen/ als lenglich anzuführen/ die Noth vnd das Elend redete selbst/ vnd hetten es Ihre Fürstl. Gn. zu mehrmahlen E. Kayf. May. aller vnterthänigst außführlichen selbst remonstriret vnd angefüget/ Allda were nichts den lauter Vorwüstung/ Hunger vnd Kummer/ vnd ein solch Elend/ daß es ohne höchste Behemuch nicht erzehlet werden könnte/

vnd.

vnd dahin gelanget/ das wieder die Natur vnd Liebe/ zu stillung des Hungers/ vnmenschliche Thaten erfolgen solten/ Ingleichen die Wege erreicht/ das weil des Herzogs zu Pommern Fürstl. Gn. mit dem Gelde nicht mehr verfolgen könten/ die Aempter derohalben den Officirern vorschreiben vnd einräumen müsten/ Inmassen dessen bey Ihrer Churfürstl. Durchl. des Herrn Churfürsten zu Brandenburg Churfürstl. Durchl. das es mit dem Ampt Klempenaw geschehen sein solte/ mit beschwerde anbracht/ ja man setzte Ihrer Fürstl. Gn. so weit zu/ das man von derselben die Pässe/ Danm/ Grippenhagen vnd Gars vngeacht sie weit in den Landen gelegen/ vnd sich daher von keiner Wiederparth/ weder durch List noch Gewaltd/ ichtwas zubefahren/ Ihre Fürstl. Gn. auch solche/ als ein getreuer vnd beständiger gehorsamer/ Devoter Fürst des Reichs/ ferner wie bishero/ wol in acht zunehmen vnd zuverwahren/ sich anerkeret vnd erboten/ doch von derselben abgefordert würden/ welches/ do es mit gewalt fortgestellet werden solte/ Ihre Fürstl. Gn. volens gänzlich in ihrer Residentz gleich blocquiret, vnd derselben aller Unterhalt entzogen werden würde.

Wie das Landgraffthumb Hessen allerselts zugerichtet/ weisete gleichfalls der Augenschein/ es hette nunmehr die Last viel lange Jahr getragen/ vnd vngeacht/ ohne die verwüstung viel Millionen/ inmassen bey S. Churfürstl. Durchl. Landgraff Wilhelms Fürstl. Gn. wehemütig nach der lenge angezogen/ vffgewendet/ vnd auß dero Landen erpresset/ vnd die Unmöglichkeit ebener Massen selber reden thete/ hetten Ihre Fürstl. Gn. doch keine leichterung erlangen können/ sondern würden ferner sämmerlich gedruckt/ vnd derselben anstatt nöthiges Trosts/ off dem Jüngst zu Wergentheimb von den Herrn Catholischen gehaltenen Convent diese Anzeige geschehen/ das mans nicht ändern könte. Darüber würden nun Ihre Fürstl. Gn. sambt dero Landen vnd Leuten ganz zu scheitern vnd zu boden getrieben/ vnd endlich an ihren Fürstl. nöthigen Unterhalt Gebrauch vnd Mangel haben. So litte auch das Fürstenthumb Anhalt merckliche Noth. Das Erbstift Magdeburg vnd Stifte Halberstadt/ müsten vberaußgestandene Kriegesnoth/ noch in schwerer Geld: vnd Korn Contribution vorbleiben. Wie sehr auch die West-

teranis

Churfürſten bey dero Macht vnd Gewalt zuvoriſcheidigen hochbeteu-  
 lichen verſprochen/ vnd dann an deme daß die Reichs Conſtitutionen/  
 Chur Fürſten vnd Stände deß Reichs dergeltalt zu beängſtigen/ vnd  
 alſo mit demſelben vmbzugehen/ gar nicht zulieſſen/ So beſagte auch die  
 Executions Ordnung klar/ wie es mit Werbung/ Durchzügen vnd and-  
 dern gehalten werden ſolte/ Vnd ob gleich die Reichsſtände E. K. M.  
 Kriegs Volck/ wie es die Ordnung vernag billich paſſiren laſſen/ ſo ge-  
 bürte ſich doch dargegen/ Inhalts derſelben/ das von dem Kriegs Volck  
 richtige bezahlung geſchehe/ in wenigſten aber ſolten die getrewen vnd ge-  
 horſamen Stände es vmbſonſt hingeben/ oder dazu mit Violenz gezwun-  
 gen/ noch weniger mit ſolchen exactionen belegt/ vnd der geſtalt tribu-  
 lirt vnd beſchwehret werden/ wie den auch auß angeregten/ Conſtitu-  
 tionen vnd Fundamental Geſäßen offenbar/ was vor ein Modus im  
 Römischen Reich/ do man gleich mit außwertigen Potentaten Krieg zu  
 führen genötigt würde/ herbracht vns vorgeschrieben. In gleichen män-  
 niglich wiſſend/ daß do der getrewen Chur Fürſten vnd Stände deß  
 Reichs mitleidende Hülffe auch in den Chriſtlichſten vnd gerechteſten  
 Kriege/ wider den Erbfeind den Türcken nötig geweſſen/ wie ſolche  
 geſucht vnderhandelt werden müſſen/ vnd were gewißlich niemal erhört/  
 würde auch in Historien nicht zu leſen ſein/ das ſolche Præceptweiſe/  
 wie ſo bey deß Herrn Churfürſten zu Brandenburg/ Churf. Durchl.  
 auch andern Fürſten vnd Ständen deß Reichs/ gleich ob man dazu ver-  
 bunden/ vnd ihre Lande andern eigen weren gefordert/ oder gezwungen  
 wurde/ ſondern es waiſeten die Reichs Conſtitutiones vnd Acta, auch  
 Fundamental Geſäße viel ein anders/ vnd were ſonderlich hier bey fleiſ-  
 ſig in acht zu nehmen/ was Anno 1553. als damalige Röm. Kays. M.  
 Churfürſt. Durchl. hochgeehrten Groſsherrn Vater gnädigſte Com-  
 miſſion vffgetragen/ bey den Reichs Ständen fürgegangen/ welche auff  
 dem Anno 1532. gehaltenen Reichstage auß etlichen Urſachen/ zu der  
 verwilligten Contribution alſo nicht verſtehen wollen/ vnd mit was  
 hoher Kays. licher Eroberung/ Verſprechniß vnd Milde ſolches ge-  
 ſucht/ vnd begehret worden/ E. Kays. M. gerechtigſtes Kays. allergnäd-  
 digſt mildes Jern/ Sinn vñ Gemüth were Jhres Churf. Durchl. wol bez.

Landt/ hielten sich auch dessen aller vnterthänigst gehorsamblich versis  
 Wert/ vnd weren auch daher das gewiß/ das E. R. M. do sie den isigen  
 Vbeistandt des Reichs/ vnd die darinnen vorgehenden kundbaren pro  
 ceduren exorbitantien vnd Violentien gegen obangezogene Gründe  
 halten lieffen/ allergnädigst selter besunden würde/ das es schmur strack  
 wieder solche/ vnd dero Känserliches gerechtes Gemüth vnd Intention  
 lauffen thete/ vnd was darauß/ do dieselbe nicht eilends abgeschafft end  
 licherfolgen möchten/ Ingleichen/ das E. R. M. getrewes Väterliches  
 Herz vnd Sorgfalt/ so sie zu Conservation des Römischen Reichs  
 führeten/ vnd der ganzen Welt offenbahr nicht zugeben noch geschehen  
 lassen würden/ das bey dero/ Gott gebe noch viel lange Jahr vnd Zeiten  
 glücklichen Känserlichen Regierung/ das Römische Reich also herunter  
 bracht vnd in Verderb gesetzt werden solte/ sondern sie würden sich viel  
 mehr allergnädigst erinnern/ wie hoch vnd werth die vorigen Römischen  
 Känser/ vnd sonderlich auch der hochlöblichste vnd sieghaftigste Känser  
 Carl der Fünffte/ sich dessen Wolstand vnd Conservirung hetten ange  
 legen sein lassen/ Also vnd dergestalt/ das auch höchstgedachter Känser/  
 als im vortrage andeutung gethan/ wie vorhabendelntention ins Werck  
 zusehen/ solte gleich Teutschland darüber verhöret vñ verwüstet werden/  
 der Historienschreiber erzehlung nach Känserlichen zu dero vnsterblichen  
 Nachrumb sollen geantwortet haben/ Wir können das Reich Teutscher  
 Nation nicht verderben/ haben auch ein solches zu reden nicht befohlen.  
 Quia & patria est & summum ab ea Imperij decus accepimus.

Gütigkeit vnd Sanfftmuth hetten Ihrer R. May. höchstgeehrte  
 Vorfahren stetig lassen scheinen/ vnd dahin jederzeit höchstlöblich mit  
 gesehen/ das gegen dero höchstgeehrten Erzhertzoglichen Haus Dester  
 reich der Reichsstande gute affection wol erhalten werden möchte/ was  
 Lobhoheit vnd Gewalt demselben auch daher mit heuffiger glückselig  
 keit zugeflossen/ geben dero Praeminentz vnd Macht/ vnd were gleich  
 der ganzen Welt bekandt.

Die Wiederbringung des werthen Friedens / were schließlichen  
 Gott gefällig/ den Menschen erfreulich/ allen Regimenten nützlich/  
 Insonderheit aber dem höchstbeerrübten/ vnd in agone liegendem Römischen

mischen

mischen Reich euserst nötig/ vnd stünde doch darauff Summa rerum  
 terrenarum felicitas, & vera Regiminis securitas.

Wann nicht Ihre Churf. Durchl. die schwehre Pflicht/ Gewissen  
 vnd Ampt/ auch Gehorsamb/ Lieb/ Treu vnd vnterthänigsts auffrich-  
 tiges Hertz/ so wol die höchste vnd größte Noth/ des Reichs entreiben  
 vnd nötigen theten/ E. K. M. es also offenhertzig aller vnterthänigst ans  
 vnd fürzubringen/ wolten E. K. M. Sie gewislichen auftragen/ der  
 gehorsambsten Veneration darmit nicht behelligen/ dann wie treulich/  
 wie gut vnd mit was vnterthänigsten gehorsambsten Herzen/ E. K. M.  
 Ihre Churf. Durchl. meineten/ wie hoch vnd sehr dero Erzhertzoglich  
 Haus dieselbe liebten vñ ehreten/ solches bezeugen Ihrer Churf. Durchl.  
 jederzeit geführte Consilia/ vnd in der That nützlich vnd auffrecht erwies-  
 sene Dienste vnd Actiones, Ersuchten demnach E. K. M. in solcher  
 Treue Ihre Churf. Durchl. hiermit vnterthänigst/ vnd beten gehors-  
 sambst/ sie geruheten diesen so höchst bekümmertlichen vnd kläglichen  
 Reichs Zustande/ zu Kayserslichem Gemüth vnd Herzen zunehmen/ das  
 nothleidende Römische Reich/ vnd dessen getreue Stände auß aller ge-  
 fahr/ damit sie vmbfangen zu erretten/ den ganz vielfältigen vberelen,  
 lamentationibus, Klagen vnd Beschwerden würcklichen abzuhelfen/  
 die Armeen auß dem Reich abzuführen/ vnd dem heilsamen hoch-  
 gewünschten gleich durchgehenden/ allgemeinen sichern Frieden im ganz-  
 hen Römischen Reich zu reduciren vnd stabiliren/ gutes Vertrauen  
 vnter den Ständen wieder auffzurichten/ die fundamenta Regese vnd  
 Reichs Constitutiones in gemein/ insonderheit aber was der Herren  
 Churfürsten Præminenz/ Hoheit vnd Würde betrifft/ bey Krafft  
 vnd Macht vnverschmälert verbleiben/ vnd solchen Satzungen allerseits  
 ihren ordentlichen vnd stracken Lauff zu gönnen/ niemand darwieder in  
 keinerley Wege beschweren/ sondern vielmehr nach dieser Norm, In-  
 massen sich gebürt/ alles reguliren vnd vorgehen zulassen.

Zum andern würde E. K. M. noch in allergnädigsten vntersun-  
 denen Andencken haben/ was dero am 6. Monats Tag Martij, vort-  
 schienenes 1629. Jahrs außgelassenen Kayserslichen Edicts halben/ in dies-  
 selbe Ihre Churf. Durchl. aller vnterthänigst zu mehrren mahlen/ auß  
 Macht

Macht

Macht getrewen vnd gehorsamen Herren gelangen laſſen/achteten vn-  
 vonnöthen/ ſolches weitläufftig zuerholen/ allein es befinden gleichwol  
 E. Kayſ. May. allergnädigſten Ihre Churf. Durchl. deſſen für anſehen-  
 liche vnd ſtarcken Fundamenta hetten im gleichen/ was ſich Kayſer  
 Maximilianus der andere derowegen Anno 1576. am 35. Auguſti vnd  
 24 Septembris, ſelbſt allergnädigſt vnd zwar dahin reſolvirt, daß die  
 Tjulen vor die geſambten Reichsſtände gehörig/ Sintemal J. K. M.  
 höchſtloblichſten Andenkens/ auß höchſterleuchten Kayſerlichen Ver-  
 ſtande wol geſehen/ daß es doch vff eine declaration, ſo aber in den  
 ewigwehrenden hochbetewerten ReligionsFrieden cum clauſula an-  
 nullatoriâ verbothen/ außlauffen wolte. Es weiſete auch der ſämptl-  
 ichen Churfürſten von Mühlhauſſen auß Anno 1627. an E. Kayſ. M.  
 allerunterthänigſtes gethanes Schreiben/ das ſie weiter nicht gerathen  
 den die geplagte Gravamina, nach Inhalt der ReichsConſtitution  
 auch Religion vnd ProphanFriedens/ ſo weit vnd viel darinnen ſub-  
 mittiret, zuerledigen/ E. Kayſ. May. were als einen höchſterleuchten  
 gütigſten Kayſer wiſſend/ was ehermals nicht allein in andern Königs-  
 reichen vnd Landen/ ſondern auch im heiligen Römischen Reich vor De-  
 vaſtation, Elend/ Noth/ Trübſeligkeit vnd Zerrüttung entſtanden/  
 wenn man durch ſolche ſtrenge Mittel die Irrunge/ ſo ſich der Religion  
 halben enthalten wollen/ Es were in Imperio oft verſucht/ endlich aber  
 doch ab effectu & lactuoſo eventu, vnd do man nicht erſt alles vber  
 vnd vber gehen laſſen wollen/ befunden worden das kein beſſer vnd ſiche-  
 rer Mittel erſonnen/ bedacht vnd ergriffen werden mögen/ dann durch  
 freundliche vertrauliche Zuſammeneſetzung einander recht zu vernehmen/  
 vnd durch gütliche erträgliche Wege denſelben abzuhelffen/ dodurch  
 were auch alles Unheil gewendet/ das Mißtrauwen verbeſſert/ Friede  
 geſtifftet/ vnd das Reich bey ſeinem Flor/ auch Macht vnd Gewalt ge-  
 gen alle Außwertige durch Gottes Güte glücklich erhalten worden/ do-  
 hin vnd zu keinem andern Ende Intent vnd Zweck/ weren jederzeit Ihrer  
 Churfürſil. Durchl. hochloblicher Vorfahren Conſilia vnd Anerins-  
 nerungen/ wann dieſelben recht vnd ohne Affecten oder vngleiche Den-  
 kung betrachtet/ gerichtet geweſen/ dahin vnd zu keinem andern Scopo  
 hetten

hetten

terawiſchen/ Graffen hierinnen gravire vnd erſchöpft: was ſchaden den Herren Graffen zu Oldenburg/ vnd andern mehr vornehmen Graffen deß Reichs/ daher zugestanden/ were vor Augen von den Reichs Städten würden vberaus groſſe Summen Geldes erpreſſet/ viel aber mit Einquartierung gänzlich verderbet/ vnd ruiniret, vnd thete das Elend vnd Ubel ſich leider ſo weit dilatiren vnd außbreiten/ daß es auch gar an das Mare Balchicum, vnd die Erbarn Anſee Städte gelanget/ welche ebenes ſals/ wegen ihrer Bedrängnuß/ treffliche Beſchwerden vnd Querelen führten/ Eine wehre mit ſchwerer blocquierung bedängſtiget worden/ andere aber würden mit ſtarcken Guarniſonen vnd Einquartierungen belegt/ andere ſonſten in andere Wege beſchweret/ ſo wol zu verhinderung vnd Abbruch der Commercien darinnen ihr Succus & Sanguis beruhete/ ſich allerhand vnderſtanden/ oder würden ihnen doch ſolche Sachen angemühet/ dardurch ſie in groſſe Sorgen geſetzt.

Wie hart ſonderlich auch die Graffen von Schwarzburg/ Mansfeldt vnd Stolberg/ welche doch viel anſehenliche Aempter von Ihrer Churfürſtl. Durchl. zur Lehen tragen/ auch guth theils Ihre Graff- vnd Herrſchaften in dero Landen vnd Territorio gelegen/ die Kriegs- Proſtrata trückten/ vnd was vor groſſe vff viel Thonnen Goldes ſich erſtreckende Summen Geldes alda erzwungen/ was auch vortrefflicher Schade ihnen ſonſt zugezogen/ vnd wie vbel ſie tractiret worden/ auch noch affligiret würden/ weiſete ihr Elend. Dergleichen vnerschwingliche Bedrängnuſſen wiederführen auch den Herrn Keußen/ vnd Herren von Schönburg: Ihrer Churfürſtl. Durchl. Schutz Städte/ Erfurdt/ Mühlhauſen vnd Nordhauſen/ weren gleichs ſals dadurch mercklich vnd jämmerlich verderbt/ ja es hetten Ihrer Churfürſtl. Durchl. Landgraſſthumb Thüringen/ auch Graſſſchaft Hennenberg/ theils ihre Aempter ſelbſt/ theils aber ihre getrewe Vnterthanen in demſelben/ wie auch in den Marggraſſthumb Ober- vnd Nieder Lauſnit/ nicht wenig Beſchwerden empfunden/ Ihrer Churfürſtl. Durchl. getrewer Rätth vnd Diener/ Gütere/ weren in Thüringen vber alle Maſſe beſchädiget/ vnd hette darwieder weder Ihrer Churf. Durchl. lebendige noch ſchriftliche

liche Salvaqvardia gegolten/ auch des Herren Generals Fürstl. Gn. eigene ertheilte Protectoria nicht attendiret werden wollen/ vnd thesten sich die Exorbitantien noch so weit herfür/ das man auch durch vn-sicherheit theils iren Städten/ als wie Zwickau im Geburgischen Kreys/ Ingleichen langen Salka in Thüringen/ vnd andern begegnete/ die zusführo gleich abstrickte/ vnd in Summa/ Es weren numehr die gehorsamen Reichs Stände viel lange Jahr nacheinander/ vñ noch diese Stunde mit Sammel: vnd Musterplätzen/ vielfältigen Durchzügen/ beharlichen Einquartirungen/ auch hin vnd wiederführung des Kriegs Volcks von einem Ort zum andern/ vnd dabey vorgangenen vielen Vuordnungen/ schweren Geldt vnd Korn Contributionen, vnerhörten Exactionen, vnd andern vielfältigen Presuren, vorgewaltigungen Rauberey vff den Strassen/ auch in offenen Flecken vnd Dörffern/ jämmerlich vnd erbärmlich affligiret, geängstiget/ außgesogen/ verderbet/ verödet/ verwüestet/ vnd von aller Macht/ Kräfte vnd Vermögen gebracht worden/ wie darbey zugleich Fürsten vnd Stände von der Soldatesca respectiret würden/ wie wenig dero Hoheit geachtet/ mit was vngeduldrüss sie bedrenget/ darmit wolten E. Kays. May. Ihre Churf. Durchl. mit lenglicher erzehlung anjeko nicht beschwerlich sein/ weil es dero selbden/ wie oben gedacht/ von dem ganzen hochlöblichen Churfürstlichen Collegio, auch sonst von Ihrer Churfürstl. Durchl. vielfältige vntersuchungst were eröffnet vnd vorgebracht worden/ man nehme die Werbung Durchzüge/ Marchen vnd Remarchen, auch Einquartirungen/ was demselben mehranhangig/ ohne einige dero Begrüßung vnd Einwilligung vor/ In dero Churf. Fürstenthumen vnd Landen/ gebe man selbst die Ordinanzen/ siele aber der angelegten Contributionen halben etwas Mangel vor/ so drohe man also bald mit geschwinden eigenthätigen militarischen Executionen, stellet auch wol dieselbe gar zu Wercke/ wie die Exempel weisen/ die Plackerey nehme vff den Strassen vnd im Felde/ dermassen vberhand/ das niemand sicher handeln vnd wandeln/ noch der Hauswirth vnd arme Bawersman das Feld beschicken/ bawen/ vnd seiner Nahrung warten könnte/ viel Pferde würden ihnen abgenomien/ treffe man sie auch gleich wiederumb in den Quartieren an/ gien:



an/ gieng es doch mit der wieder abfolgung ſchwer zu/ vnd müſten die armen Leute/wolten ſie ſolche wieder haben/ Geldt geben/dadurch gleichſam die Abnahme noch gut geheiffen würde/ do ſie doch billich beſtraffe werden ſolte. Alle Commercia, Handel vnd Wandel/ liegen zugleich darnieder/ vnd ſolte doch aller Orthe vollauß ſein/ dadurch würde nun bey den armen Leuten/an ſtatt deß andächtigen Gebets/herzliche Seuffzen/welche Gott der Allmächtige nicht vnerhöret ließe/ vnd ſolch Winſeln vnd weheklagen erwecket/daß es einen Stein erbarmen möchte/vnd were daher das Elend/ Jammer vnd Noth deß heylig. Römischen Reichs ſo groß/ ſo betrübt/ vnd ſo gefährlich/ das dergleichen/ weil daſſelbe bey verfaſſung der gäldeney Bull geweſen/ in den Hiſtorien nicht zu finden. Die Churfürſten welche doch die vnbeweglichen feſten Grundſeylen deß Reichs/ auch Edle Glieder E. Käyſ. May. Leibes/ vnd in dero Wohlſtand E. Käyſ. May. Macht vnd Majeſtät mit beruhete/ würden doch bey wenig geachtet/ ihr abmahnen vnd erinnern von den Obriften vnd Befelchshabern ſchlechtlich Conſiderirt, die heilsame Reichsgeſetze/ Kreiß vorfaſſungen/ Executions/ vnd andere nützliche Ordnungen verachtet/ vnd gar nicht obſervirt, vñ alſo die fulcra regiminis vnd tranquillitatis ſehr geſchwächt vnd zerrüttet/ ein Land würde nach dem andern verwüſtet/ vnd ein getrewer gehorsamer Standt nach dem andern ruiniret, Herr vnd Knecht zugleich verderbet/ vnd dermaßen procediret, als wenn der Chur Fürſten vnd Stände Land vnd Leute Preiß gegeben/ vnd ſteter Contribution unterwürffig ſein müßte/ vnd man dieſes alſo mit Recht zu fordern Zug hette/ dadurch würden nun die Gemüther gegen einander verbittert/ dß Mißtrawen vrmehret/ die mit vergieſſung ſo vielen tapffern Bluts erworbenene/ vnd mit groſſer Herr/ vnd Standthafftigkeit Conſervirte vñ erhaltene Teuſche Libertet hefftig getruert/ vnd eine ſolche Zerrüttung vnd Anarchia & confuſio omnium rerum eingeführt/ das do nicht eilende Rettung geſchehe/ Sacratissimi ædificij destructio & univerſalis ruina zu befürchten/ Alle Stände würden/ wie obberührt/ dermaßen von allen Kräfften brache/ daß do ſich ein außwertiger Feind herfür thun ſolte/ ſie dem Reich nützliche Dienſte zu leiſten/ ganz nicht vermöchten. Daher dann auch die Mittel/ dadurch

B ij

man ſetzt

man ist den Krieg geführt/ in dem alles erschöpft/ enervirt vnd aufge-  
 sogen/ versincken theten/ so würde auch der Soldat/ weil in den Quar-  
 tiren fast nichts oder doch wenig mehr zu finden/ des Kriegs selber müde/  
 vnd deswegen ungeduldig/ Ingleichen würden viel Heroische Gemü-  
 ther durch diese Continuirliche Pressuren sehr disgustiret, der gemei-  
 ne Mann aber/ welcher sonst nichts mehr/ dann das bloße Leben noch  
 vbrig/nicht wenig desperat gemacht. Es schlugen auch die auhwertigen  
 Potentaten vff diesen ganz zerrütteten vnd vbleu Zustandt des Reichs/  
 ein sonderbares Auge/ vnd möchten der Occasion war nehmen/ sie be-  
 finden sich hin vnd wieder nicht ohne grosses nachdrucken/ in sehr star-  
 cker Rüstung/ vnd bey mächtiger Verfassung/ so were auch unvermeins-  
 lich das/ so lange man die streitenden vnd blutigen Waffen noch in Han-  
 den/ vnd ludibrio fortunæ & aleæ Martis, den Statum vnterwerffen  
 thäte/ auch die mächtigsten Potentaten sich ihrer erlangten herrlichen  
 Triumph/ Siegs vnd Gewalts nicht versichern könnten/ das Glück  
 were doch Kugelrund/ vnd hette den allerglücklichsten vnd Sieghaftig-  
 sten/ wann sie denselben an meisten getrauet/ vnd am nötigsten dessen  
 bedurfft/ als den Rücken zugekehret/ Insonderheit aber were solches in  
 Kriegs expeditionen sehr mißlich vnd wandelbahr/ vnd könnte ein eins-  
 tzig unglückseliger Fall alle Intentionen merklich alteriren, vnd in  
 momento die momenta rerum verrücken/ alle Ding vff der Welt  
 weren der verenderung vnterworffen/ auch die hohen Häupter der Sterb-  
 licheit nicht befreyhet/ die Stände des Reichs gerieten/ wegen dieser auß-  
 serster vnauffhörlicher Bedrangnissen/ vnd das die Teutsche Libertät  
 also geschwecht/ vnd fast gänzlich opprimirt werden wolte/ in grosse  
 perplexitet vnd betrübte Gedancken/ Entgegen aber wer S. R. M.  
 als einen gerechtesten vnd höchsterleuchteten Kaysen bekandt/ mit was  
 Immuniteten/ Freyheiten/ Privilegien/ Præminentien/ Hoheiten  
 vnd Würden/ ChurFürsten vnd Stände des Reichs begabet/ sie loblichst  
 herbracht vnd tapffer erhalten/ auch von den vorigen höchstpreißlichen  
 Römischen Kaysern mächtiglich darbey geschützet vnd geruhiglich ge-  
 lassen worden/ S. Kay. May. hetten dergleichen zuthun in der Capi-  
 tulation vnd sonst in viel Wegen/ Insonderheit aber auch die Herren  
 Churfürst

Churfürst

hetten Ihre Churf. Durchl. auch ihre bisshero geführte Actionen dirigirt vnd gemeint/ Ihrer Churf. Durchl. were ein anders nicht entdeckt/ den das man/ wenn der Allgewaltige Gott/ in dessen Händen vnd nicht in eufferlicher grosser Macht vnd vieler Mänge/ doch einig vnd allein die Victoria vnd Sieg rührt/ glückliche Ueberwindung der Wiederwertigen geben vnd vorleihen würde/ keine Violenta an die Hand nehmen/ sondern vielmehr Gütigkeit erscheinen/ vnd neben der Catholischen Religion/ der Augspurgischen Confession verwandte vngelindert bleiben lassen vnd niemand bedrängen wolte/ Ihre Churfürstl. Durchl. weren auch dessen zu mehrermalen ansehnlich versichert worden. Vnd hetten solches hinwiederumb ire Religions zugethane durch offene Schrifften mit Ihrem Churfürstl. Würden vorgewissert/ diese Ihrer Churfürstl. Durchl. auffrichtige trewe Intention, were von den Herren Catholischen nicht wiederfahren/ sondern dieselbe vielmehr ab dieser Trewe/ vnd das sie einen neben den andern vnbetragt sehen möchte gelobet worden/ Ihre Churfürstl. Durchl. wolten auch zu Gott dem Allmächtigen gewiß verhoffen/ wenn E. K. M. ihr die Milde/ vnd im heiligen Reich in solchen hochwichtigen Sachen/ herkommene Wege nur allergnädigst gefallen ließen/ vnd eine veranlassung zu gütlicher vertraulicher Handlung geschehen vnd fürgenommen würde/ vnd man anderseits nun etwas zu Friede/ Ruhe vnd Einigkeit lust hette/ es würden sich solche Mittel vnd Wege/ so wol der beylegung als beständiger Sicherung halber herfür thun/ dadurch man weiter mit einander in Freude vnd Vertraulichkeit leben vnd hinkommen könnte. Mit was weitsehender Execution viel Evangelische Stände beschwert/ geben die Quorelen E. Kays. May. hette Ihre Churfürstl. Durchl. auch deshalb zu mehrmahlen/ aller vnterthänigst vnd gehorsambst ersucht/ vnd vmb aller gnädigste/ mildeste Abschaffung gebeten/ die höchstgeehrten friedliebenden Vorfahren hetten jederzeit höchst gefährlich ermessen/ ober dem Religionsfrieden viel vnd weitleufftig zu disputiren, vnd solches für kein Mittel guter Vertraulichkeit vnd Friedens gehalten/ Was aber anseho vor weit sehende vnd beschwerliche Schrifften/ dorinnen der so hochbeteurte/ ewigwehrende ReligionsFriede/ in ganz vngleiche/ zuvor nie erhörte Verstandnüss vnd

E

nüss vnd

nüß vnd Meinung gezogen/ſaſt alles diſputirlich gemacht/ſa gleich mit allen Kräfften dahin gezelet/das man die Stände Augſpurgischer Confeſſion, wann es nur ſantiglich deſſelben gar unſehlig machen wollen/vnſ geſcheuet herfür geben würden. Were offenbar/vnd wolten ſolche gleich in den vorfallenden Sachen von denen verordneten Executorn, wie Ihre Churfürſt. Durchl. berichten/prodecifione angezogen werden. Vnd ob auch gleich billich/vnd allen beſchriebenen Rechten vnd Reichs Constitutionen ganz gemeh/ daß jedermänniglich/wann zuvor gewiſſer Ankläger vorhanden/ ſich auch derſelbe ad agendum gebührend legitimiret hette/nach vorgehender legalifchen Citation vnd verordnung der Rechte genungſamb gehört/ ſolches auch Gott der Allmächtige ſelbſten/ in dem S. heiligſten Gerechtigkeit nach formirten Process also gehalten/vnd demnach niemand coarctirt, ubereilet/noch weniger in einen oder andern Paß/ ſo wol circa formam & curſum processus, als merita cauſæ, auch in gar geringen/ man geſchweige in ſolchen hochwichtigen Sachen/gravirt, ſo wol alles ohn einige Suspicion Parthenlicher Handlung/ vermöge deß weiſen Kaiſers Juſtiniani Befeh/ vorgehen ſolte/ ſo würden doch deſſen allen ungeachtet/die Evangelischen Stände hefftig ubereilet/ deßgleichen wolte von den Commiſſarien weder Auleca, noch Cameralis litis pendentia in acht genommen werden/ ſondern es würde mit einer ſolchen Unſörmlichkeit verfahren/ das nie dergleichen im Reich/ zumal in ſolchen hochwichtigen Fällen/ erhört/ Es lieſſe ſolches nicht allein allen Rechten zu wieder/ ſondern E. Kayſ. May. hetten auch in den Fundamental Befehlen ſelbſt Allergnädigſt/ verſprochen/ alle ordentliche ſchwebende Rechtsfertigungen nicht vorhindern noch verbieten/ ſondern den freyen ſtarcken Lauff zu laſſen. Ja man ſolte noch ſo weit heraus gehen vnd fürgeben/ das Jenige/ was intermedio tempore, nemblich zwiſchen den Paſſauſchen Vertrag/ vnd dem Anno 1555. vſſgerichteten Religion Frieden/ an geiſtlichen Gütern eingezogen/ were vnter den Religion Frieden nicht begriffen/ do doch ſonſten dieſes nur als ſtreitig gemacht worden/ auch der Religion Friede in dieſem Paß ganz hell vnd  
Sonnens

Sonnenklar/in dem in ſ. Die weil aber ehliche Stände mit dieſen expreſſlichen Worten geſetzt wird. Zur Zeit deß Paſſauſchen Vertrages oder ſeithero nicht gehabt. Deßgleichen ſolte man ſich auch nicht ſcheuen/ anzuziehen/ daß die geiſtlichen Güter vnter den Religion Frieden/ nicht gehörig/ dorinnen noch eine Zeitlang etliche Religionen/ ob ihnen gleich keine Administration noch weniger einig exercitium Catholiſcher Religion verſtattet/ ſondern nur auß Barmhertzigkeit ihnen die Nahrung gereicht/ geduldeten/ da doch der Religions Friede mehr/denn das Factum der Einziehung vnd vorwendung erforderte/ das nemlich die Proceſtirenden Stände die Clöſter eingezogen/ das Exercitium Catholiſcher Religion dorinnen abgeſchafft/ die geiſtlichen Güter in andere Wege beſtellen/ vnd zu andern nothwendigkeiten angewandt. Was mit Einziehung etlicher Clöſter im Herzogthumb Braunſchwig/ vnerwogen dieſelben vor den Paſſauſchen Vertrag reformiret vnd eingenommen/ verbet/ geben die Querelen. Wie mit den Graffen zu Stolberg wegen gewaltiger occupirung der Clöſter Ilzenburg vnd Drebeck/ vngeacht dieſelbe gleichſals für auffrichtung deß Religion Frieden eingezogen/vmbgangen/hetten E. K. M. albereit Ihre Churfürſt. Durchl. durch dero vnterthänigſte Interceſſion gehorsambſt zuerkennen geben/ dergleichen thet man ſich gegen die Graffen von Hohenloe deß Stiffes Deringen/ vnd Clöſters Schafftersheim halben/ vnangesehen deren Einziehung nicht weniger lengſt vor dem Paſſauſchen Vertrage erfolget/ vnterſehen/ geſtalt den ihnen albereit vermittelſt eines Decrets ein gewiſſer Terwin, zu abtretung ſolcher Güter/ beraumet vnd angeſetzt.

So were auch bekand was vnlangſten der Frau Aebteſſin zu Quedlinburg/ vnd in ſonderheit deß Herrn Erzbischoffs zu Brehmen Fürſt. Gn. zugemuthet. Was ſeltſame vnd weit ſiehende Reden/ wegen deß Erzſtiffes Magdeburg außgeſprengt wurden/weiſten die Schriſten/ Nun wehre aber gleichwol Ihrer Churf. Durchl. geliebter Herr Sohn Herzog Augustus anfänglich/ Inmaſſen E. K. M. Ihre Churf. Durchl. ſolches aller vnterthänigſten gehorsambs zuerkennen gegeben/ cum certa

E. 4

promis.

promissione de succedendo, zum Coadjutore sönder zum Erzbischoff von ganzem Thumb Capitul doselbst ordentlicher Weise postulirt, derohalben hielten Ihre Churf. Durchl. sich aller vnterthänigst gewiß versichert/ E. K. M. würden/ als ein gütigster hochlöblichster Kayser nicht zugeben noch geschehen lassen/ das Ihrer Churf. Durchl. Hause hierinnen/ was wiederwertiges begegnen solte/ sondern würden vtelmehr hierbey Ihrer Churf. Durchl. geliebten Vorfahren getreue/ nützliche vnd standthafft geleistete Dienste/ auch ihre selbst eigene erwiesene/ gehorsamen Treue vndersprießliche kundbare Merita allergnädigst erwesgen/ vnd als billich/ sie deroselben hochlöblich genießen lassen. Was man in dem Stifte Halberstadt sich vnterfangen/ das sey leyder offenbar vnd am Tage/ wie mit der Evangelischen Bürgerschaft zu Augspurg wieder klaren Religion Frieden/ vermöge Ihrer Churf. Durchl. vortigen/ auch jüngsten an E. K. M. gethaner aller vnterthänigsten Ausführung vmbgegangen/ werden wollen/ das geben Ihrer Churf. Durchl. außführliche Schrifften/ dahin sie sich zügen/ Es were ein solch schwehr vornehmen niemals erhört/ noch weniger zuverantworten/ Ihre Churf. Durchl. hetten albereit beständig dargerhan/ das dogleich dem Herrn Bischoff zu Augspurg einige An/ oder Zusprüche wieder ein/ oder die andere Kirche/ darinnen die Evangelische Bürgerschaft von so vielen vndencklichen Jahren hero Gottes Wort/ nach Inhalt der Augspurgischen Confession, frey vnd öffentlich/ auch geruhig jederzeit lehren vnd predigen lassen/ zu stünden/ auch außfahren könte/ das doch darumb der Evangelischen Bürgerschaft/ vermöge des so hochbetewerten Religions Friedens/ des frey öffentliche Exercitium Religionis Augustanae Confessionis doch nicht in keinerley Weise noch Wege verhindert/ gesperrt/ oder sie deswegen in geringsten beschwert/ betrengt/ verunruhiget vnd belästiget werden könten. Der Religions Friede vnd deducirte unbewegliche Fundamenta lieffen ein solches ganz nicht zu/ sondern weren fest/ hell/ klar/ vnd unbeweglich.

Was Pfalzgraff Wolffgang Wilhelms Fürstl. Gn. vor eine harte Execution wieder deroselben Herrn Brüdere vornehmen/ vnd ihren Fürstl. G. G. vngeacht sie geborne Reichsfürsten/ des Religions Friedens

Dens.

dens unmittelbar ſehig/ auch durch die abtheilung ihrer Fürſt. Würde/ vnd Immuniteten also nicht entſetzt/ ſondern alhier für allen dingen qualitas & dignitas personæ conſiderirt werden müſte/ die Theilung auch in einen ſolchen Verſtand nicht gezogen werden könnte/ das freye Exercitium vor dero Hoffſtadt Officianten Diener/ vnd dero angehörige verweigern vnd abſchneiden wolten/ were bekand/ im Reich nie erfahren/ die Exempla vnd fürnemblichen auch was derowegen mit den Graffen von Oldenburg vorgegangen in Contrarium. Welcher geſtalt man auch der Stadt Schweinfurth wegen der PfarrKirchen vnd Carmeliten Cloſters/ vngeacht ihrer Feſt fundirten Befugniß/ ſo wol andern Städten mehr/ in ſolchen Fällen zugeſetzt/ das were auß denen bey E. K. M. deßwegen aller vnterthänigſt eingebrachten Queceleu vmbſtändlich zuerſehen. Wie nun aber durch diß ſchwere vnd weit außſehendes Procedere vnd gefährliche Discurs das Mißtrawen als nocentiſſima peſtis rerum publicarum merklichen vermehret/ die Gemüther infiammiert/ vnd wohin vnd zu was eufferſten Extremiteten/ es endlich wann nicht abſchaffung erfolgen/ ſondern mit ſolcher Hertigkeit verfahren/ die Stände dermaßen bedrängt/ ſolche gefährliche weit außſehende Diſputat erweckt/ ſa auch die Evangelische Bürgerſchafft zu Augſpurg wieder den klaren hellen Buchſtaben deß Religionfriedens beängſtiget werden ſolten/ außſchlagen möchte/ hetten E. K. M. allernädigſt ſelbſten/ dem höchſterleuchteten Verſtande nach/ zuermessen/ Der Religion vnd Prophean Frieden deß heiligen Römischen Reichs weren die Adamantina fulora & vincula; darauff incolumitas & tranquillitas Imperij beſtünde/ vnd dadurch erhalten würde/ Es wehren vnauflöſliche Bande/ daran beydes Haupt vnd Glieder hoch beteurlich verbunden/ vñ darwider auch keine declaracion als obberürt/ ſtatt hette ſondern addita clauſulâ caſtatoriâ gänzlich verbothen/ das nun Ihre Churf. Durchl. dorüber/ wie auch vber den Fundamental Geſetzen/ vnd allen andern heilsamen Reichs Constitutionen ſo feſtiglich hielten/ den Vbelſtand deß heiligen Römischen Reichs/ vnd was vor Zerrüttungen darinnen vorgehen/ ſo wol was für Unheil vnd Exicialruin darauß erſolgen könnte/ ſa gleich wie vor der Thür ſtünde/ aller vnterthänigſt anzeigen//

zeigen/ vnd vor allen so treulich warnen/ auch ihren Religionsverwandten sich so Christlich annehmen, theten/ dessen würden Ihre Churfürstl. Durchl. nicht verdacht werden können/ E. K. M. als ihrem vorgeseßtem Oberhaupt dieser Welt/erkenneten sich/ Ihre Churf. Durchl. schuldig/ allen unterthänigsten Gehorsamb/ Respect, Ehre/Liebe vnd Treu auffrichtig zuerweisen/ dargegen aber müsten vnd wolten Ihre Churf. Durchl. auch dem heiligen G. D. in bekennung seiner Lehr/ Ehr vnd Worts standhafftig verbleiben/ vnd seinen allerheiligsten Nahmen in schuldigster Andacht vnd Christlichen Gemüth geben/ was demselben gebühret/ vnd darbey allerseits festiglich bis an ihr selbiges Ende verharren/ auch ihre von Gott bescherte geliebte Churfürstliche Kinder ferner darzu väterlichen aufziehen ernstlich ermahnen vnd anhalten/ Ihre Churfürstl. Durchl. hetten bald anfangs bey der Böhmischen entstandenen Unruhe dessen sich vngescheuet gegen ihren Religions Verwandten/ welchen der domahlige Zustand schon etwas sorgende fürkommen/ Christlich vnd Churfürstl. erkläret/ Inmassen solches auch hernach in Druck gegeben worden/ vnd Ihre Churfürstl. Durchl. theten darbey nachmahls standhafftig verbleiben.

Nebenst diesem erinnert sich auch E. Kay. M. allergnädigst/ was Ihre Churf. Durchl. als Bevollmächtigster Commissarius, mit dem Fürstenthumb Ober vnd Nieder Schlesien vor einen Accord, zu Nutz vnd Wolsfahrth/ E. K. M. vnd dero hohen Erzhertzoglichen Hauses vmb abwendung der domahls nach bevor gestandenen grossen gefahr/ gestrossen/ vnd ihren dorinnen wegen der Religion/ hell vnd klar mit Ihren Churf. Worten fest versprochen/ E. K. M. auch nach vorgehendem zeitigen Rath vnd guten erwegen/ in amplissima forma allergnädigst ratificirt, bestetiget vnd bekräftiget. Wie sehr aber darlegen die Evangelischen in den Städten Grotzlogau/ Lemberg/ Grimberg/ Schweidnitz/ Schwibus/ Javor/ Hirschberg/ vnd andern mehr/ bedränget/ vnd mit der Reformation wieder sie verfahren werden wollen/ würden E. K. M. sich auß den unterschiedlichen deswegen eingebrachten Klagen aller unterthänigst berichten lassen. D. h. köhme nun Ihrer Churf. D. hochbeschwerlich vor/ das nicht allein ihre Religionsverwandten/ also beängs



bedrängiget/ ſondern auch derofelben Churfürſtlich/ auß ſo vnterthänigſtem trewen Herzen zu E. K. M. vnd dero ganzen höchſtlieblichen Hauſes Ruß vnd beſten Verfaßtes Wort vnd Verſprechnuß/ welches auch E. K. M. wie oben angeregt/ höchſt anſehenlich bejahet/ beliebet vnd beſtetiget/ alſo beyſeits geſtellet/ dergeltalt ſolchen zu wieder getreten/ vnd die Leute mit der Reformation alſo bedrängiget vnd zu deſſen beſchönung allerhand ſeltname Entſchuldigungen herfür geſucht werden/ Ihr Churf. Durchl. achteten nechſt Gottes Ehren/ ſeinem heilige Wort vnd ihrer Seeligkeit/ niches höher als ihr Verſprechnuß den Buchſtaben nach Churfürſtlich vnvorlezt zuerhalten/ es were ſolche erbare/ wolberathſchlagte Pacten nötige vnd löbliche Vincula humanae Societatis, E. K. M. Känſerliches gerechteſtes höchſtlöbliches Gemüth wehre/ Ihr vnd wie Känſerlich feſt vnd ſtandhaſtig ſie ob den vffgerichteten Accorden, Zuſagen vnd Verſprechnußen gehalten wiſſen wolten/ vnterthänigſt gnungſamb bekandt/ theten ſich auch deſſen feſt vnd gehorſamlich verſichern/ vnd weren gewiß/ das wan E. K. M. der Sachen rechte berichtet/ ſie würden darob kein gefallen tragen/ ſondern hierinnen ernſtes Einſehen fürnehmen.

Beythen vnd erſuchten derohalben E. K. M. nochmals ganz gehorſambſt/ vnterthänigſt vnd beweglich/ Sie wolten doch Ihrer Churf. D. ſo vielfältig/ wegen der Religion Beſchwernüßen im Reich angezogene Kapffere/ feſte vnd wolgegründete Rationes, Motiven vnd Verſachen/ als ein gütigſter vnd mildeſter Känſer/ zu Herz/ Sinn vnd Gemüth ziehen/ vnd was/ do die Strengigkeit fortgeſezet/ vnd alſo weiter verfahren werden ſolte/ vor Elend/ Noth/ Jammer vnd Ruin dem Reich erfolgen könnte/ väterlichen beherrigen/ vnd dahero das Edict allergnädigſt auffheben/ die Execuciones gänzlich einſtellen/ alle Bedrängnüßen abſchaffen vnd die Irrungen/ ſo ſich von ſo vielen langen Jahren hero zwifchen den Catholiſchen vnd Augſpurgiſchen Confession Verwandten Ständen/ erhalten/ zu gütlicher hinlegung auff gelindere vnd mildere im heiligen Römischen Reich hergebrachte Wege/ allergnädigſt veranlaſſen/ vnd dadurch alles weiter Unheil/ Gefahr vnd Schaden/ von dem heiligen Reich höchſtlöblichſt abwenden. So wol was wegen obberürter

Refor-

Reformation in Schlesien aller vnterthänigst erinnern/ in Kaysersliche  
 allergnädigste Consideration ziehen/ alle daher rührende Drangsaln  
 gänzlich ab/ vnd einstellen/denselben würcklich remediren, vñ also auch  
 in puncto Religionis dem Accord nit zu nahe tretē lassen/ sondern bey  
 Kräfften vnd Würden Kayserslich conseruiren vnd mächtig schützen.

Schließlich erinnern sich Ihre Churf. D. was die beyden Herzogen  
 zu Aldenburg bishero ganz beschwerlich vnd wehemütig geklaget/ ges  
 sucht vnd gebeten/dieweil es aber E. K. M. ohne das aller gnädigst gnugs  
 samb bewust/ auch bey derselben das höchstlöbliche Churf. Collegium,  
 vnd sie absonderlich deßwegen albereit mit vnterthänigste Intercession,  
 Schrifften einkommen/ wollen sie sich geliebter Kürze halben/ darauff  
 gezogen haben/ vnd bitten allergehorsambst nochmals E. K. M. gerus  
 heten allergnädigst/ sie mit Kayserslichen mildesten Augen anzusehen/ vnd  
 auch diese Sache in allergnädigste Obacht zunehmen

An dem allen beförderten E. K. M. die Gott dem Allmächtigen  
 wolgefällige Eintreichtigkeit/ legten einen festen Eckstein sicheres Frie  
 dens/ würden dardurch Ihren Kayserslichen hohen Nahmen desto mehr  
 nach dem Exempelhero glaubwürdigsten Vorfahren/ vnsterblich/hero  
 hohes Erzhertzogliches Haus aber höchstbeliebt machen/ vnd viel gutes  
 stifften/ vnd vmb E. K. M. weren Ihre Churf. D. treulich vnd vnder  
 thänigster möglichkeit nach/ zu verdienen/ erbötig. Wie dann auch E.  
 K. M. gehorsamer vnterthänigster trewer Churfürst bis in Ihre Grube  
 Sie standhaft verbleiben wolten/ vnd sich hinwiederum zu E. K. M.  
 alles Kayserslich mächtigen Schutzes Liebe/ Hulde/ Affection vnd  
 Kayserslicher Gnade vnterthänigst vnd fest versicherten Signatum.  
 Wien den 13. Maij, Anno 1630.

E. Kaysersl. Mayest.

Allerunterthänigste/ Gehorsambste/

Churfürstl. Durchl. zu Sachsen Abgesandte.

Philipp Ernst/ Graff zu Mansfeldt.

Nicol Gebhardten von Wiltich.

Gabriel Tünkel/ D.

Johan von Blansdorff.

Kaysersliche



# Kaiserliche RESOLUTION.

**D**ie Römische Kaiserliche auch zu  
 Hungarn und Böhemen / Königliche  
 Mayestät / vnser Allergnädigster Herr /  
 haben gnädigst angehöret und verstanden /  
 Was des Durchläuchtigsten Hochgebor-  
 nen Fürstens / Herrn Johan Georgens / Herzogen zu  
 Sachsen / Gülich / Cleve / vnd Berg / Landgraffen in Thü-  
 ringen / Marggraffen zu Meissen / vnd Burggraffen zu  
 Magdeburg / des H. Römischen Reichs Erzmarschall  
 vnd Churfürsten / zu derselben abgeschickte ansehnliche  
 Gesandten / in Ihrer Churf. Durchl. Nahmen / neben an-  
 erbietung derselben schuldig und gehorsamster Dienste /  
 auch treuwertigen Wunsch / beständiger viel jähriger Lei-  
 bes Gesundheit / Glück vnd friedlichen Regierung / vnd al-  
 les Kaiserlichen Wolstandes / bey gehabter Kaiserlichen  
 Audientz, so wol mündlich / als auch bald darauff / durch  
 ein in Unterthänigkeit vberreichtes ausführliches schrift-  
 liches Memorial vmbständiglich vor vnd angebracht / dar-  
 neben Contestiret vnd bezeugt / auch solchem nach insien-  
 dig gesucht vnd gebeten haben.

D

Aller-

Allermassen nun höchstgedacht Ihre Kayf. May. dieses auß einem Ihre genungsam bekandten getreulichem Herzen herfließenden Wunsch und Anerbieten zu Kaiserlichen Gnaden / und sonder hohen dancknehmigen Wolgefallen auff / und annehmen : Also wolten dieselbe hinlegen nichts mehrers noch liebers wünschen / als daß Ihre May. sich mit Ihrer Churf. Durchl. in eigener Person / bey frischer guter Gesundheit / mit einander bald selbstien ersehen und erfreuen möchten.

So viel aber der Gesandten Fürtrag und Proposition an ihr selbst anlanget / befinden allerhöchstgedachte Ihre Kayf. May. das dieselbe auß zween vornehmen und wichtigen Haupt Puncten beruhe / Als nemlichen das fürs erste / hochgedacht Ihre Churf. Durchl. beweglich ansuchen und bitten lassen / damit denen nun von einer Zeit hero vielfältig geklagten / aniesz durch sie / die Herrn Gesandten / wiederholten / und in Specie weitläufftig deducirten General und Special Kriegs Trangsalen und Beschwerdten / welche fast alle Greiß des Reichs ergreifen / demahlen ernst würcklichen abgeholfen und remedirt, des heyligen Reichs Stand auß der gefahr / damit sie ombfangen / errettet / die Armeen auß dem Reich abgeführt / ein durchgehender allgemeiner Fried reducirt und stabilirt, gutes Vertrauen vnter den Ständen wieder auffgerichtet / die Fundamental Gesäß und Reichs Constitutiones / in gemein / Insonderheit aber / was der Herrn Churfürsten Præemiæntz / Hochheit und Würde betiffet / bey Kraft und Macht  
vageschmäh

ungeschmälert verbleiben/ vnd niemand darwieder in feinerley Wege beschwehret werden möge.

Vnd dann zum Andern/ das sich dieselbe wieder das in Puncto gravaminum außgelassenes Kaiserliche Edict solches fals beschwehren/ neben einer Special deduction, sampt die Ständ der Augspurgischen Confession wieder den hochbetworten Religion Frieden/ an unterschiedlichen in ihrer Proposition benannten Orten/ sonderlich durch die zur Execution berührten Kaiserl. Edicts verordnete Commissarien, zum höchsten graviret worden sein sollen/ mit angeheffter Bitt/ solch Edict aufzuheben/ vnd die Executiones gänzlich einzustellen/ alle Betrügnüssen abzuschaffen/ vnd die zwischen den Catholischen vnd Augspurgischen Confessions Verwandten Ständen/ erhaltene Irrungen zu glücklicher hinlegung/ vff gelindere vnd mildere im heiligen Römischen Reich hergebrachte Weg zuveranlassen.

So viel nun den Ersten Haupt Punct nemlichen die also verstandener Massen/ angebrachte General vnd Special Kriegsbeschwerden anlangen thut/ da erinnern sich mehr höchstgedacht Ihre Kais. May. guter Massen/ welcher gestalt dieselbe allen vnd jeden Churfürsten des Reichs/ insonderheit aber auch Ihrer Churf. Durchl. zu Sachsen/ selbst den wegen die Nothdurfft vnd eigentliche wahre Beschaffenheit zu mehrermahlen zugeschrieben/ auch die Ursachen mit mehrerm für Augen gestellet haben/ warum dieses alles gegenwertiger Zeit vnd Leufften auch inevitali necessitati bey so eilends vorbrechenden/ des Heiligen  
 D 11 Reichs

Reichs Feinden friedbrüchigen Einfällen/ da man zu solchen ordentlichen Mitteln nicht können oder mögen gelangen/ vornemblich zuzuschreiben sene/ vnd allermaßen Ihrer May. die wegen der wieder sie/ vnd das heilige Römische Reich täglich vorgehender gefährlichen Practicken/ vnd öffters von neuen herfür gebrochenen heimlichen Confederationen, vnvorsehens entstandene Krieg zuvorhüten/ in deroselben Handen vnd Macht niemals gestanden.

Also haben sie auch denselben weder auffheben noch allen darauß erfolgenden Inconvenientien vnd Unheil/ allein/ ohne der getrewen Churfürsten einhelligen Rath vnd Hülf nicht remediren können.

Derohalben Ihre Mayst. bewogen worden/ eben auß seztgehörter Ursachen/ den nechst bevorstehenden Churfürstlichen Collegial Convent außschreiben zu lassen/ auch die anjeko vorhabende kostbare Reiß in selbst eigener Person vorzunehmen vnd fortzustellen/ der zuvor leslichen vnd ganz tröstlichen Hoffnung es werde bey denselben heilsamen Zusammenkunft/ allen diesen/ von vorwolggedachten/ Herrn Gesandten geklagten Drangsal/ vermittelst Göttlicher Guad/ durch dero gesandten Churfürsten/ als Ihrer May. geheimister vnd innerster Rath/ vnd vornembster Hauptsäulen des Reichs/ guten trewen Beystand/ Rath geschafft/ vnd am besten vnd fürderlichsten würcklich abgeholfen werden/ wie dann hierbeneben auch mehr höchstgedacht Ihre Kais. May. in dero gnädig vnd ganz vnveränderlichen Hoffnung anwoch begriffen sein/ das sie die  
Ihr/

Zhr/ der Gesandten/ anbringen wichtige Sache concerni-  
ret/ darauß sich Zhrer Mayst. wegen Kürze der Zeit/ ihres  
vneinstelligen nothwendigen Aufbruchs halber/ für dis-  
mal so gleich eigentlich nicht resolviren können/ Ihre Chur-  
fürstl. Durchl. werden sich in beherzigung/ der iho öftters  
zu Gemüth geführter erheblicher Motiven, von diesem zu  
befürderung des ganzen Wesens Wohlstand/ vermeintem  
vnd angestellten heilsamen Convent ihres theils/ ja nicht  
absondern/ sondern denselben ungeachtet ihrer bishero ein-  
gewandter Endschuldigungen/ Persönlich besuchen/ zu ih-  
rer Kaiserl. Mayst. als ein trewer wol Affectionirter  
Churfürst/ williglich treten/ derselben mit Rath vnd That  
guthertzig beyspringen/ vnd also des heiligen Reichs vnsers  
geliebten Vaterlands deutscher Nation, endliche ruina zu  
verhüten/ ihr mit vnd neben allen andern derselben Mit-  
Churfürsten/ mit allem Eyffer angelegen sein lassen. Aller-  
massen offte höchstgedachte Ihre Kay. May. dann viel hoch-  
gedacht Ihr Churf. Durchl. hiemit dazu nochmalen gnädig  
vnd freundlich vermahnet vnd ersucht haben wollen.

Was den Andern Punct/ nemlichen/ die wieder oban-  
gedentes / in des Reichs Greiß publicirten Kaiserliche  
Edict, vnterschiedlich eingeführte Klagen betreffen thut/  
hierbey machen Zhrer Kay. Mayst. ihr einigen Zweifel  
nicht/ Ihre Churfürstl. Durchl. wie nicht wenigen die Herren  
Gesandten/ werden sich guter Massen gar wol zuerinnern  
haben/ wessen sich Ihre May. dis Dits gegen derselben  
hi. bever durch Schreiben/ zuerschiedenen malen erklärt/

D iij.

vnd ihero.

und ihre remonstrit haben/ wie das sie/ als höchster Richter/ auff der Parthenen langwierig instendiges anruffen/ einmal weniger nicht thun/ noch vorüber können/ sondern Justitiam vermalemissi administriren, vñ denen beleidigte Theilen zu dem wenigen/ warzu sie Rechts wegen/ vñ Krafft des Religion Friedens/ befügt/ wiederumb zuverhelffen.

Inmassen sie solches dero tragenden hohen Kaiserlichen Ampts halber zu thun schuldig sein/ auch den Catholischen ihr habendes Recht/ ohne ihr Einwilligung/ nicht benehmen können/ da aber in Ipsa Executione, eines oder andern Orts/ den Sachen per Commisarios zu viel beschehen/ vnd in modo procedendi excediret worden were/ wie dann etliche Stände/ des wegen mit Klagschriften einkommen/ sein J. K. M. des Aller gnädigsten erbietens/ darüber die verfügung zu thun/ damit sich niemand wieder Recht beschwehrt zu sein beklagen möge. Welches oft höchstgedachten Herrn Gesandten/ off ihr anbringen/ als viel die Kürze der Zeit/ weil Ihre May. zumal im Aufbruch begriffen/ vnd die Reichs Acta vnd Kanzley Registratur bereit eingepackt/ leiden mögen/ für dismal anzuzeigen gnädigst anbefohlen haben/ Denen dieselbe/ zu sonderbahren Kaiserlichen Gnaden wol gewogen sein vnd verbleiben/ Signatum zu Wien/ vnter Ihrer K. May. auffgedruckten Secret Insiegel/ den 26. Maij, Anno 1630.

L. S.

U

Ph. zu Stralendorff.

M. Arnoldin von Clarstain / Man. Prop.



**D. NICOLAUS SEL-  
NECCERUS,**

Über den 12. und 89. Psalmen Davids.

**H**ERR Jesu Christ rett du dein Ehr/  
Erhalte dein Wort und heilsam Lehr/  
Du hast doch allen Gewalt und Macht/  
Ob gleich die Welt dein nicht viel acht.  
Was ist die Welt? Was ist all Kunst?  
Was ist ihr Tyrannische Brunst?  
Wer dein Wort hat/ derselb besteht/  
List/Trug/Stoltz/Muth/Troz/Gewalt vergeht.  
Drumb hilff Herr Christ/ verbirg dich nicht/  
Nach unsern Sünden uns nicht richte/  
Jetzt ist's noth/ Erhalte dein Wort/  
Verhüte Leibs und Seelen Mord/ Amen.

**SOLI DEO GLORIA.**

**Gedruckt im Jahr Christi /**

**GVstaVVs AdolphVs, Dei gratia, MagnVs Rex SVcCiae:**  
Vel.

**L.VdoViCVs, Dei gratia, MagnVs VniVersæ Galliæ Rex.**

**M. DC. XXX.**



Faint, illegible text at the top of the page, possibly bleed-through from the reverse side.

INNOVATION  
NECESSARY

Faint, illegible text in the middle section of the page.

Faint, illegible text in the middle section of the page.

Faint, illegible text in the middle section of the page.

Faint, illegible text in the middle section of the page.

Faint, illegible text in the middle section of the page.

Faint, illegible text in the middle section of the page.

Hit Sem. @ 545,8